

Gvangjsih Minzcuz Bau

ganhhau: CN45-0036 B.2014 Nd.6 Ng.11 liggaeuq gyapngux nienz ndwenngux cibseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3127期

Ningzmingz Yen Baetseuq Lajmbanj Caeuq Ginzchung Lusen Doxcoi Baenaj

宁明县“1+1=3”力推清洁乡村与群众路线相互促进

Daj bineix daeuj, Ningzmingz Yen roengzrengz dawz aen hozdung “Gvangjsih gyaendei · lajmbanj cinghseuq” neix dangguh aen bingz-daiz youqgaenj hengzguh dangj raeuz ginzchung lusen gyauyuz sizcen hozdung, okmoq “1+1=3” cungj cosih neix, doidoengh aen hozdung “Gvangjsih gyaendei · lajmbanj cinghseuq” caeuq dangj raeuz ginzchung lusen gyauyuz sizcen hozdung doxyungz doxcoi baenaj, aeundaiej cingzciik ndei.

“1+1” couh dwg dawz gij hong

baetseuq lajmbanj caeuq gaihcen dangj raeuz ginzchung lusen gyauyuz sizcen hozdung doxcomz hwnjdaeuq doengzcae z bae guh. “3” dwg song aen hozdung neix yaek aeundaiej sam aen yaugoj. It dwg aeu dangj raeuz ginzchung lusen gyauyuz sizcen hozdung daiqlingx hong baetseuq lajmbanj. Ngeih dwg aeu gij cwngzgoj baetseuq lajmbanj de daeuj dagrau dangj raeuz ginzchung lusen gyauyuz sizcen hozdung guh ndaej baenzlawz yiengh. Sam dwg aeu song hangh hozdung dangguh aen byauhcuinj

youqgaenj dagrau aen ganbu yiengh-siengq daezsang gunghcwngz neix guh ndaej baenzlawz yiengh.

Daj bineix daeuj, aen yienh neix gungh senj 385 boux “Gvangjsih gyaendei” lajmbanj gensez(fuzbinz) gunghcoz duiyenz, haeuj daengz cunh mbanj caeuq vunzmbanj caemh gwn、doengz youq、cae z guhhong, hawj daengx yienh dangj raeuz ginzchung lusen gyauyuz sizcen hozdung aeundaiej cwngzyau gig caensaed.

(Cauh Yizgangh/周贻刚 Liengz Yingh/梁英)

Yungzsuij: Bouxcuengh Senjok Bouxdanggya

融水: 壮胞选出当家人



6 nyied 6 hauh, Yungzsuij Myauzcuz Swciyen Dalang Yangh Sanglij Cunh gawjhengz Daihaet Gaij Cunhminz Veijyenzvei vuenh gaij senjgij hozdung. 759 boux vunzmbanj Bouxcuengh senj doenghboux ndaw mbanj de, daj gij naengzlig daiqlingx vunz-lai baenzfouq、banhsaeh vaiq rox mbouj、baenz-lawz guhhong daengj fuengmienh daeuj caez yawj, senj doenghboux banhsaeh ak、banh ndaej saeh、banh saeh ndei de, senjok “boux danggya” habhoz. Ndaw doz dwg geij boux mehmbwk Bouxcuengh cingq saeq-sim dienz senjbyau.

(Lungz Linzci/龙林智 Yangz Baujanh/杨保安 ingj)

Fuconh: Nungzminz Yauzcuz Youq Laj Faex Dajciengx Bi Souhaeuj 30 Fanh

富川: 瑶族农民林下养殖年收入 30 万

Daj 2007 nienz daeuj, Fuconh Yauzcuz Swciyen Cauzdungh Cin bouxcoz Yauzcuz Fan Gaihyinz doenggvaq haenqrengz cangyez, youz Cauzdungh Cin Dangjveij、Cwngfuj nem Linzyezgiz、Gunghsanghgiz daengj bumwnz haenqrengz bang-coengh, laebbaenz le ciengx mou nungzyez hozcozse. Daengz dangqnaj,

de gonqlaeng roengz 100 lai fanh maenz, youq henz mbanj co 50 lai moux diegfaex daeuj guh swnghdai sinzvanz dajciengx. Doenggvaq langh ciengx “mouraih(aeu duzraih caeuq mouranz doxboiq)”, aeu gij raemx、bwnh ndaw daemzcauji coq rum, caiq aeu rum nem haeuxyangz daeuj gueng mou, ciengx 8 ndwen daengz

bi ndeu couh maj 100 gaen baedauq cij gai, bi gai 600 lai duz, bi cinghsouhaeuj 30 lai fanh maenz. Dangqnaj, gizdieg ciengx mou Fan Gaihyinz hai de ciengx miz 400 lai duz mou, ndawde moumeh 50 duz.

(Cinz Youjyin/陈有运 Cinz Yengiz/陈献吉)

SIUSIK DINJ

简 讯

● Geij ngoenz gonq, Bingz-gvei Gvanlij Gih guhsat hong niemhsou bi' gvaq gaijguh ranz-yiemj. Ciuq gyoepsuenq, aen gih neix bi' gvaq gaijguh ranzyiemj 3500 hoh, gaijgez aen vwndiz dangdieg minzcuz ginzchung youq ranz hoj, hawj gyoengqde souh'ik.

(Vuz Lifangh)

● Gaenh duenh seizgan, Denhdwngj Yen youq seiz mbwn ndei fwn lai neix, gibseiz cujciz 5000 lai gyaq nungzgi roengz doenghnaz bae cae naz、raeq naz、ndaem naz.

(Liengz Cwngzfuj)

● Bi' gvaq, Bingzgoj Yen lajmbanj goengloh gensez gungh-cwngz aen roensuijniz doeng mbanj hanghmoeg (cien cunh doxdoeng hanghmoeg) gungh guh 11 diuz 77 goengleix, yienh yangh cunh goengloh doxdoeng caez lo, daengx yienh 181 aen cunh nem segih hix doeng goengloh caez lo.

(Vuz Anhginh)

● Lozcwngz Mulaujcuz Swciyen dingh bineix guh 10 aen gunghcwngz hawj vunzlai souh'ik. Gij gunghcwngz neix baugvat vanzging henho、ranz-youq baujcaeng、yihliuz veiswng、ancienz vwnzmingz daengj fuengmienh, moix aen hanghmoeg cungj dingh ndei baenzlawz guh, neix bauj hawj vunzlai ndaej souh'ik.

(Liu Gvanghfuz)

● Bineix daih'it geiqdoh, Sanhgyangh Duncuz Swciyen cazsauj canjlieng 350 dun, mbawcaz cungcanjciz 1.26 ik maenz, neix couh laebdaeb 11 bi laisou.

(Gungh Bujgangh)

● Dangqnaj, Denhngoz Yen Yangyangz Cin Mbanjgyahlangz lwgmak sifan gihdi gaengq daj-ndaem gomak 5000 lai moux. Aen gihdi neix bi soundaej gomak 400 fanh dun, moix bi souhaeuj 700 fanh maenz, aen mbanj neix moix ranz bingzyaenz moix bi souhaeuj 3.5 fanh maenz, neix sawj vunzlai ndatcingz guhhong baenzfouq.

(Liuz Yaujginh)